

Investeringsbehov

I generalplanen for SJH er det skissert eit arealbehov tilsvarande investeringar i storleiksorden 75-80 mill. kr. Dette må gjennomførast i løpet av ein 15-års periode om skulen skal drivast vidare. Av dette må investeringar tilsvarande om lag 43 mill. kr finne si løysing straks.

Drift av landslinetilbodet

Drifta av landslinetilbodet er finansiert med statleg tilskot. Fylkeskommunen er i tillegg inne med om lag 2,9 mill. kr pr. år i egne driftsmidlar., jf. punkt 2 c i Fylkesutvalet sitt vedtak.

Statleg ansvar

Statleg målsetting for økologisk landbruk tilseier at staten må bidra med investeringar og leggje til rette for fullfinansierte driftsrammer for landslinetilbodet ved SJH som kompetansesenter for økologisk landbruk.

Statleg medverknad til finansiering vil vere heilt avgjerande for å sikre og vidareutvikle kompetansen ved skulen.

Statleg medfinansiering

1. Staten må bidra til å finansiere den driftsmessige underfinansieringa av landslinetilbodet på 2,9 mill. kr per år.
2. For landslinetilbod med store investeringsbehov, som SJH, må staten ha verkemiddel for å bidra også på investeringssida.
3. For å sikre ei fulløkologisk landbruksutdanning i Norge, er det mogleg å løyse statleg medfinansiering gjennom jordbruksavtalen?
4. Sogn og Fjordane fylkeskommune ønskjer å ha dialog med Kunnskaps- og Landbruks- og matdepartementet om desse problemstillingane.



Vedtak i fylkesutvalet i Sogn og Fjordane november 2013

Fylkesutvalet i Sogn og Fjordane handsama i møte 27.11.13, sak 116/13 *Sogn jord- og hagebruksskule – vegen vidare*, og gjorde slikt vedtak:

* * *

1. Sogn og Fjordane fylkeskommune set i gong ein prosess, med frist medio mars 2014, for å kartleggje kven som vil vere med å delfinansiere framtidige investeringar ved Sogn jord- og hagebruksskule – både på kort og lengre sikt. Det skal likeeins kartleggjast kven som vil vere med å dekke årlege driftsutgifter, ekskl. kapitalutgifter, i den grad desse ikkje vert dekkja av staten innanfor ramma av den statleg godkjende landslineordninga.
2. Fylkeskommunen vil i utgangspunktet vere innstilt på følgjande:
 - a. Dekke 60% av eit kortsiktig investeringsbehov anslått til 43 mill. 2013-kr.
 - b. Gjennom ein intensjonsavtale vere med ta eit finansielt delansvar også for det langsiktige investeringsbehovet ved skulen, anslått til nye 30-40 mill. 2013-kr.
 - c. Dekke om lag halvparten av dei løpande driftsutgiftene, ekskl. kapitalutgiftene, som staten ev. ikkje dekkjer. I 2012 utgjorde dette i alt 2,9 mill. kr.
3. Fylkeskommunen tek umiddelbart opp att arbeidet mot sentrale styresmakter med sikte på statleg delfinansiering av investeringane ved skulen og statleg fullfinansiering av til-høyrande drift. Fylkeskommunen ønskjer her eit nært samarbeid med Aurland kommune.
4. Fylkeskommunen vil også be Aurland kommune klargjere ev eigen finansiell medverknad i investerings- og driftsutfordringane ved skulen, jf. pkt. 2 over. Som lekk i dette ønskjer ein at Aurland kommune og klargjer om det er grunnlag for annan finansiell medverknad enn frå stat og kommunesektor.
5. Det vert lagt til grunn at fylkestinget i juni 2014 tek endeleg stilling til framtida for Sogn jord- og hagebruksskule.

* * *

Kompetansesenter i økologisk landbruk

Sogn jord- og hagebruksskule, Aurland, har det einaste heilskaplege opplæringsstilbodet i økologisk landbruk på vg2- og vg3-nivå i Norge. Skulen har, som den einaste vidaregåande skulen i landet, landslinetilbod i økologisk landbruk.

Skulen har i tillegg ei omfattande oppdragsverksemd (kommersiell verksemd). All aktivitet utanom ordinær opplæring; kurs, seminar, råd og rettleiing innanfor småskala matproduksjon, prosjekt og omvising er sjølvfinansierande, men krev drift av ein fulløkologisk skulegard.

Universitetet for miljø- og biovitenskap (UMB):

«Etter vår oppfatning er SJH det viktigste kompetansesenteret for økologisk landbruk i Norge innen vidaregåande utdanning.» (UMB i høyring på prosjektrapport om Sogn jord- og hagebruksskule som regional utviklingsaktor, 2010)

«Lærerutdanningen ved UMB anser kompetansemiljøet omkring SJH i Aurland som ledende nasjonalt innen stedsbasert læring og entreprenørskap og innen utdanning for bærekraftig utvikling.» ... «Med bakgrunn i SJHs særskilte posisjon og kompetanse mener vi det er svært viktig å sikre skolen sin eksistens for framtiden.» (UMB i brev til Sogn og Fjordane fylkeskommune, 2013)

Fylkesmannen i Sogn og Fjordane:

«Regjeringa har mål om 15 % økologisk produksjon og forbruk i 2020. Det er sett inn vesentlege verkemiddel for å nå dette målet og utdanninga ved SJH er viktig for å nå måla» (i høyring på prosjektrapport om Sogn jord- og hagebruksskule som regional utviklingsaktor, 2010)

Oikos – Økologisk Norge, Utviklingsfondet, Norges Bondelag og Norsk Bonde- og Småbrukarlag:

«Vi...ser med bekymring på at landets eneste helhetlige utdanningstilbud i økologisk landbruk er under stadige trusler om nedlegging.» (Oikos i brev til Sogn og Fjordane fylkeskommune, 2013)